

Not' Chouaix par Florence M. Hacquoil

À man fréthe Françouais et mé,  
Not' mémèe a déjà d'mandé:  
Tch'est qu'es'sa not' profèssion?  
Car oulle a eune ambition,  
Dé nos vaie coumme professeur,  
Ou d'un comèrce, directeur.

Not' mémèe a décidé,  
En mèssieurs dé nos touônner;  
Dé nos vaie en bieux habits,  
V'là tchi li f'thait grand pliaîsi.  
Jé crai qu'lé tchoeu li romp'thait,  
S'ou savait la véthité.

J'n'avons pas assez d'chèrvé  
Pour un examen pâsser.  
Françouais es'sa tchèrpentchi,  
Mémèe trouv'tha chenna grôssi...  
Pour qu'oulle ait du pain à mangi  
J'm'en vais être un boulandgi.



Go to the [Learn Jèrriais website](http://www.learnjerriais.org) to find the audio version of this...

[www.learnjerriais.org](http://www.learnjerriais.org)

